



Na devènta bindebo asuiada cuntra le Prettau, cun n pale che n'à dî alalungia nio orü ji te sach. La Val romagn inant a ciaval dla tlassifica.

Sot n cil sarègn y na temperatöra cialdina é rové le Prettau adalerch a se mosoré cun la squadra de ciása. A confront dles ocajiuns da gol por La Val te chësta partida, é le resultat stè da spavënt megher. Dantadöt le pröm tēmp é stè caraterisé dala manciaanza de determinaziun dan porta avversara. Dal'atra pert inçe le arbiter, che ti à refodè n gol regular y deplü iadi architè le jüch por posiziuns de forajüch inesistētes.

Atira dal mëtëman à i sógatus ladins pressè alingrana sòn i avversars, por ti impedì da fa jüch. Le palê vëgn soghé plö iadi amesa l'area, mo i cumpagns é scialdi fora posiziun y ne rōia insciö a dërt'ora a contlujiun. Al 25ejim é Michi che arlungia n bel pal âlt a Emanuel y cun n bel stach de cé apogëiel le pal te sach. Por le mandl fosch ne é le gol indere nia regular, sòn le stach de cé é le defensur tomè a tera, i retlams di sogadus cuntra l'arbiter ne ti fej nia mudé minunga, la jüch va inant. Sòn piceres dijatenziuns a mezcíamp é le Prettau bun de ruvé plö daimprò a porta, mo le mür ladin é scialdi bun de architè sò l'aziun. Dan le pröm tēmp él cíamò da alzè fora dōes de bunes ocajiuns, üna cun na infiltraziun te area de Alex E. da na pert ite cun contlujiun dlungia basa porta ia y na bela trata de Freddy dal limit che rōia de n pulan dlungia le pé de porta ia.

La Val rōia zeruch dala palsa cun na gran fan a sbloché le resultat. I centrocampisc se alza a dè sostēgn al atach y al garetà de beles aziuns cun pal bas. Al 60ejim é spo indò Michi, autur dl gol cuntra le Percha tl'ultima partida da medema posiziun, che porta La Val in vantaje sòn na trata de puniziun. Al se prejēnta al limit dl'area y la trata sterscia vëgn deviada dal mür y cambia insciö direziun, le verdaporta inciurnì pò ma plö ciarè al palê che cogora te porta.

Sòn na puniziun é püch dô la defenjiun pustra che ne se capësc nia, Emanuel anüza la situaziun por arubè le pal, mo a püc metri dan porta rōia la trata adôs al verdaporta che mëss indere se destrà a parè te dui tēmps. Bel plan vëigen ince les prömes contlujiuns prigoroses dl Prettau, cun l'atacant che ti sciampa ala defenjiun y rōia sù dan porta, chilò é le jonn Julian Moling (pröm debut te campionat cun la maglia da La Val) che antizipëia le sogadù y ne le lascia nia trà. Al é da se temëi che dô les ocajiuns falades se ciafon le castighe, mo por fortuna ne se averëia chësta vedla regola dl jüch dl palê nia plö ti ultims menüc. Insciö pò La Val pié dô i trëi punc y restè a cé dla tlassifica dô la cuinta partida de campionat.

**La Val – Prettau 1 - 0**

**Formaziun La Val:** 1. Julian Moling, 2. Elmar Valentin, 3. Marco Castlunger, 4. Paolo Vallazza, 5. David Moling (dal 70^ Egon Frenes), 6. Freddy Sottara, 7. Felix Nagler (d al 80^ Adrian Miribung), 8. Stefan Sottara – capitan, 9. Emanuel Dorigo, 10. Michi Frenes (dal 75 ^ Manuel Stampfer), 11. Alex Elzenbaumer

**Alenadù:** Claudio Floriani

**Gol por La Val:** Michi Frenes (al 60^)

**Proscima partida:** en mercui 01 de otober dales 20:00 al ciamp dl sport "Plans" süga La Val l'andata dl secundo turno de Copa Provinzia cuntra le Niederdorf

campionat: en sabeda ai 04.10 a Aicha dales 18.00 cuntra la squadra de ciasa.

**Sostituziuns:**

Egon Frenes gnü ite imped David Moling (70<sup>^</sup> menüt)

Manuel Stampfer gnü ite imped Michi Frenes (75<sup>^</sup> menüt)

Adrian Miribung gnü ite imped Felix Nagler (80<sup>^</sup> menüt)

Resultac dles atres partidas: [RESULTA Ó](#)

Insëra, mercui ai 23 de aurì él gnü sughé l'andata dla semifinala de Copa Provincia contra la squadra da Ritten, che süga le campionat trê te 3 categoria mo te n ater girone. La squadra da La Val à incuntè na squadra sterscia, che à lascè udèi sües cualitês portan a ciasa la devènta por 2 a 0. Ai 7 de mà gnaral sughé le ritorno sön le ciamp dl Ritten.